

Қазақстан Республикасының
Президенті

ЖАРЛАЫҚ



Президент
Республики Казахстан

УКАЗ

Казақстан Республикасы Президенті мен Үкіметі
актілерінің жинағында және республикалық
баспасөзде жариялануға тиіс

**Казақстан Республикасы Президентінің
«Ерекше стратегиялық маңызы бар су шаруашылығы
құрылыштарының тізбесі туралы» 2004 жылғы 1 қарашадағы
№ 1466 және «Концессияға беруге жатпайтын объектілердің тізбесі
туралы» 2007 жылғы 5 наурыздағы № 294 жарлықтарына
өзгерістер мен толықтыру енгізу туралы**

ҚАУЛЫ ЕТЕМІН:

1. Қазақстан Республикасы Президентінің кейбір жарлықтарына мынадай өзгерістер мен толықтыру енгізілсін:

1) «Ерекше стратегиялық маңызы бар су шаруашылығы құрылыштарының тізбесі туралы» Қазақстан Республикасы Президентінің 2004 жылғы 1 қарашадағы № 1466 Жарлығына (Қазақстан Республикасының ПУАЖ-ы, 2004 ж., № 44, 543-күжат):

такырыбы мынадай редакцияда жазылсын:

«Ерекше стратегиялық маңызы бар, оның ішінде жалға және сенімгерлік басқаруға беруге болатын су шаруашылығы құрылыштарының тізбесі туралы»; кіріспе мынадай редакцияда жазылсын:

«Қазақстан Республикасының 2003 жылғы 9 шілдедегі Су кодексінің 25-бабының 3-тармағына сәйкес ҚАУЛЫ ЕТЕМІН:»;

1-тармак мынадай редакцияда жазылсын:

«1. Қоса беріліп отырған ерекше стратегиялық маңызы бар, оның ішінде жалға және сенімгерлік басқаруға беруге болатын су шаруашылығы құрылыштарының тізбесі бекітілсін.»;

жоғарыда аталған Жарлықпен бекітілген ерекше стратегиялық маңызы бар су шаруашылығы құрылыштарының тізбесінде:

такырыбы мынадай редакцияда жазылсын:

«Ерекше стратегиялық маңызы бар, оның ішінде жалға және сенімгерлік басқаруға беруге болатын су шаруашылығы құрылыштарының тізбесі»;

3-тармақтың 17) тармақшасының орыс тіліндегі мәтініне өзгеріс енгізілді, казақ тіліндегі мәтіні өзгеріссіз қалады;

мынадай мазмұндағы 4-тармакпен толықтырылсын:

«4. Осы тізбенің 3-тармағында аталған су шаруашылығы құрылыштары (су тарту құрылыштары, сорғы станциялары, тазартқыш су құбыры құрылыштары) жалға және сенімгерлік басқаруға берілуі мүмкін.»;

2) «Концессияға беруге жатпайтын объектілердің тізбесі туралы» Қазақстан Республикасы Президентінің 2007 жылғы 5 наурыздағы № 294 Жарлығына (Қазақстан Республикасының ПУАЖ-ы, 2007 ж., № 7, 80-күжат; 2012 ж., № 60, 819-күжат):

жоғарыда аталған Жарлықпен бекітілген концессияға беруге жатпайтын объектілердің тізбесінде:

5-тармақ мынадай редакцияда жазылсын:

«5. Мына қалаларды сумен жабдықтауды камтамасыз ететін су шаруашылығы құрылыштарын (су тарту құрылыштары, сорғы станциялары, тазартқыш су құбыры құрылыштары) коспағанда, ерекше стратегиялық маңызы бар су шаруашылығы құрылыштары (бөгеттер, гидротораптар, басқа да гидротехникалық құрылыштар):

- 1) Астана;
- 2) Алматы;
- 3) Ақтау;
- 4) Актөбе;
- 5) Атырау;
- 6) Қарағанды;
- 7) Қекшетау;
- 8) Қостанай;
- 9) Қызылорда;
- 10) Павлодар;
- 11) Петропавл;
- 12) Талдықорған;
- 13) Тараз;
- 14) Орал;
- 15) Өскемен;
- 16) Шымкент;
- 17) Семей;
- 18) Түркістан;
- 19) Теміртау;
- 20) Екібастұз;
- 21) Рудный;
- 22) Жезқазған;
- 23) Кентау;
- 24) Балқаш;
- 25) Жанаөзен;
- 26) Сәтпаев;
- 27) Ақсу;
- 28) Риддер;
- 29) Арыс;
- 30) Степногорск;
- 31) Шахтинск;
- 32) Саран;

- 33) Қапшағай;
- 34) Арқалық;
- 35) Лисаковск;
- 36) Приозерск.».

2. Осы Жарлық алғашқы ресми жарияланған күнінен бастап колданыска енгізіледі.

**Қазақстан Республикасының
Президенті**

Н.Назарбаев



Астана, Ақорда, 2014 жылғы 25 шілде

№ 866